

Broj: 09-11-6-8-5127-7/25
Sarajevo, 16.07.2025. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br. 39/14, 59/22 i 50/24), a na prijedlog Komisije za javne nabavke, imenovane Rješenjem, broj: 03-04-3-1894/25 od 28.02.2025. godine, federalni ministar financija/finansija **d o n o s i**

ODLUKU
o izboru najpovoljnijeg ponuđača za javnu nabavu usluga –
usluge osiguranja

I

U cilju odabira najpovoljnijeg ponuđača, nakon provedenog konkurentskog zahtjeva za dostavu ponuda u postupku javne nabave usluga – usluge osiguranja za potrebe Federalnog ministarstva financija, evidencijski broj nabavke: 09-11-6-8-5127-1/25, broj Obavještenja o nabavci sa portala javnih nabavki: 810-7-2-34-3-17/25 od 26.06.2025. godine, Sažetak Obavijesti o nabavi objavljen u „Službenom glasniku BiH – Oglasnik javne nabave“, broj: 39/25, kao prihvatljiva ponuda ocijenjena je ponuda ponuđača:

- **SARAJEVO OSIGURANJE d.d. Sarajevo, s ukupnom cijenom ponude za tri godine , u iznosu 32.425,20 KM bez PDV-a.**

II

Ponuda ponuđača iz tačke I ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama.

III

Za realizaciju ove odluke zadužuje se Sektor za ekonomske, finansijske i zajedničke poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka, broj: 09-11-6-8-5127/25 od 03.06.2025. godine. Javna nabavka provedena je putem konkurentskog zahtjeva za dostavu ponuda. Ukupna procijenjena vrijednost javne nabavke za tri godine iznosila je 49.000,00 KM bez PDV-a i predviđena je Planom javnih nabavki za 2025. godinu Ministarstva, dio Usluge, pod rednim brojem 8. – Usluge osiguranja. Predviđeno je zaključivanje okvirnog sporazuma na period od tri godine sa jednim dobavljačem. Obavijest o nabavci, broj: 810-7-2-34-3-17/25 poslana je na objavu 26.06.2025. godine, te je zajedno sa Tenderskom dokumentacijom istog dana objavljena na portalu javnih nabavki. Sažetak Obavijesti o nabavi objavljen je u „Službenom glasniku BiH – Oglasnik javne nabave“, broj: 39/25.

Tendersku dokumentaciju preuzelo je 9 privrednih subjekata, a 2 ponuđača su dostavila ponude u predmetnom postupku nabavke. Ponude su dostavljene blagovremeno od strane ponuđača: ASA CENTRAL OSIGURANJE d.d. Sarajevo i SARAJEVO OSIGURANJE d.d. Sarajevo.

Komisija za javne nabavke, imenovana Rješenjem, broj: 03-04-3-1894/25 od 28.02.2025. godine, izvršila je pregled i evaluaciju pristiglih ponuda, te konstatirala da je ponuda ponuđača SARAJEVO OSIGURANJE d.d. Sarajevo prihvatljiva, a da je ponuda ponuđača ASA CENTRAL OSIGURANJE d.d. Sarajevo nepravilna.

Ponuda ponuđača ASA CENTRAL OSIGURANJE d.d. Sarajevo, sa registriranim sjedištem u Sarajevu, ID broj: 4201261240009, ocijenjena je nepravilnom iz sljedećeg razloga:

*U tački 23. Nacrt okvirnog sporazuma/ugovora Tenderske dokumentacije, između ostalog, propisano je: „Ponuđači su dužni uz ponudu dostaviti Nacrt okvirnog sporazuma/ugovora u koji su unijeli podatke iz svoje ponude, te parafirati sve listove Nacrta okvirnog sporazuma/ugovora.“

Pregledom ponude ponuđača ASA CENTRAL OSIGURANJE d.d. Sarajevo, konstatovano je da ponuđač u *Aneksu 8 Nacrt ugovora za nabavku usluga osiguranja* nije unio podatke iz ponude u članu 3. Cijena.

Nakon izvršenog pregleda i evaluacije pristiglih ponuda, Komisija je dostavila federalnom ministru financija/finansija Zapisnik o pregledu i ocjeni ponuda, broj: 09-11-6-8-5127-6/25 od 15.07.2025. godine zajedno sa Preporukom o izboru najpovoljnijeg ponuđača SARAJEVO OSIGURANJE d.d. Sarajevo, s registriranim sjedištem u Sarajevu, ID broj: 4200326930001.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uvjetima iz Tenderske dokumentacije.

U postupku ocjene provedenog postupka, federalni ministar nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Izabrani ponuđač dostavio je prihvatljivu ponudu u skladu sa članom 2. stav (1) tačka l) podtačka 1) Zakona o javnim nabavkama.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđači koji su učestvovali u postupku nabavke, mogu izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

1. Ponuđačima u postupku
2. U dokumentaciju Komisije
3. Sektoru za ekonomske, finansijske i zajedničke poslove
4. a/a

